



文科

四物湯

逍遙散

旋覆花湯

甘草小麥大棗湯

定巖散

安胎飲子

達生散

千金神造湯

補脬飲

古方選言

目錄

卷之三

甘草小麥大棗湯

赤蔴甘草湯

麻黃湯

四味湯

絳雪園古方選註

古吳王子接晉三註

門人周德秀懿士校

女科

四物湯

生地 三兩

當歸 三兩  
酒洗

芎藭 一兩  
五錢

芍藥 二兩

右㕮咀每服四錢水二盞煎入分去滓溫服

四物湯物類也四者相類而仍各具一性各建一功並行不悖芎藭入少陽主升芍藥入厥陰主降芎藭鬱者達之

當歸虛者補之芍藥實者瀉之地黃急者緩之能使肝膽  
血調陰陽氣暢故爲婦人專劑

逍遙散

柴胡一錢

當歸一錢

白芍一錢

甘草五分

白朮一錢

茯苓一錢

右水二鍾加煨薑一片薄荷五分前八分食遠溫服  
薛立齋加丹皮一錢山梔炒黑一錢

遙說文與消搖通莊子逍遙遊註云如陽動冰消雖耗  
竭其本舟行水搖雖動不傷其內壁之於醫消散其氣  
搖動其血鬱皆無傷乎正氣也蓋鬱爲情志之病丹溪

與論六鬱然思憂怒致鬱者多思則氣結於心傷於脾憂  
則神志不遂精氣消索心脾日以耗損含怒未發肝氣內  
鬱乘勝於脾治以柴胡肝欲散也佐以甘草肝苦急也當  
歸以辛補之白芍以酸瀉之治以白朮茯苓脾苦濕也佐  
以甘草脾欲緩用苦瀉之甘補之也治以白芍心苦緩以  
酸收之佐以甘草心欲安以甘瀉之也加薄荷生薑入煎  
卽濾統取辛香散鬱也薛立齋加山梔清氣分鬱火丹發  
瀉血分鬱熱其理甚通宜遵之

旋覆花湯

旋 花 三兩

葱 十四  
莖

新絳 尺許

右三味以水三升煮取一升頓服

旋覆花湯通劑也治半產漏下乃通因通用法仲景云婦人三十六病千變萬端無不因虛積冷結氣三者而成故用旋覆花散結氣通血脉全用葱之青白開積冷安胎氣佐以繭絲補脾氣絳乃紅藍花染就并得烏梅黃柏之監制則通血脉之中仍有收攝之妙余因其義採用新絳和血青葱管利氣再複理氣血之品配合成方移治鬱結傷中胸脇疼痛等證屢有殊功并識之

甘草小麥大棗湯

甘草 三兩

小麥 一升

大棗 一枚

右三味以水六升煮取三升溫分三服

小麥苦穀也經言心病宜食麥者以苦補之也心系急則悲甘草大棗甘以緩其急也緩急則云瀉心然立方之義苦生甘是生法而非制法故仍屬補心

定巖散

細鼠糞

三錢

土棟實

三錢經霜有核

兩頭尖者佳不用川棟

露蜂房

三錢

右煅存性各取淨末三錢和勻每服三錢酒下間兩

日一服

定止也潰巖服之痛定而爛止也細鼠糞性主走陰專入

厥陰血分通經下乳棟實用土者取其微苦力薄走中焦  
乳間泄熱不似川棟力厚直行下焦露蜂房入陽明經驅  
肝經風毒犯胃有收斂之性凡外瘍之毒根在臟腑者非  
此不愈故乳巖潰爛經年僅存內膜者服之痛止膿乾收  
斂合口此方傳自江西允稱神異

安治飲子

建蓮子

去心  
三分錢

台州青苧

洗去膠  
二錢

白糯米

三錢

右用水一鍾煎五分每日侵晨服自懷姪兩月服起  
至六箇月無墮胎之虞

小產由於房勞傷損尤三陰腎傷則精氣不固肝傷則血

熱妄行脾傷則胎元自隨建蓮子清君相之少而  
真氣台州青苧利小便而通子戶清注愆之淤熱糊米補  
益脾陰能實陽明空竅使肝氣不妄動而胎氣自安以五  
穀果實爲方誠爲王道之劑

達生散

人參一錢

白术一錢

甘草二錢

廣皮一錢

當歸一錢

芍藥一錢

大腹皮三錢

紫蘇一錢

青葱五葉

黃楊嫩頭七箇

右水二鍾煎入分隨時服

龍經註云達小羊也羊子易生無留難也昔湖陽公主體肥難產方士進瘦胎飲有驗後人因之變方甚多然於藥品中和肥瘦之體皆可服者莫若丹溪製此方人參白朮炙甘草補正氣陳皮腹皮疏氣中之滯當歸白芍調營血紫蘇青葱通血中之壅補瀉合宜氣血條暢自無難產之患加黃楊嫩頭其樹閏年不長取其知止催其產也

千金神造湯

蟹爪一升

生甘草二尺

阿膠三兩

右煎藥作東向竈炊以葦薪煮之東流水一斗煮至二升濾去滓入真阿膠令烊頓服或分二服若人昏

不能服者灌入即活

神造者製方之妙一若神仙所作者也蟹爪尖專下死胎  
甘草煎安中氣不使尸氣上乘阿膠滑利前陰分兩用一  
二三者取數之順衡以升尺戥者取器之動竈向東者取  
生氣炊以葦薪者取輕脫若雙胎一死一生者蟹爪又安  
生胎阿膠專於育神甘草培植生氣服之令死者出生者  
安真神品也

補脬飲

生黃絲絹

一尺剪碎

白丹皮根本

白芨

各一錢

右水一碗煮至絹爛如錫空心服嚥時不得作聲

脣婦之膀胱也臨產爲穩婆傷破小水淋漓無度觀其補法有不可思議之妙生絲造者曰絹色黃者入血丹皮連木者入裏色白者走氣二者皆能瀉膀胱之火引清氣以達外竅白芨性粘功專收濬能補五內之破損噤之無聲乃有效者蓋聲出於五臟有聲則五臟之氣動而來迎無聲則五臟之氣靜而寧謐所餌之藥不由五臟分布入肺竟從胃口闢門泌別清濁之處由脂膜之絡滲於膀胱之外膜使白芨得以護外而爲固也本草載台州大辟剖出肺傷之處皆白芨所補信有是失

女科丸方

烏鵲骨丸

聚精丸

加味香附丸

坎炁丹

疏肝清胃丸

椿皮丸

白斂丸

固陽丸

免脂丸

丁巳年  
金吉祥丸

回生丹



絳雪園古方選註

古吳王子接晉二註

門人吳蒙正功校

妇科丸方

烏鰡骨丸

烏鰡魚骨四分  
茹蕙一分

右以雀卵為丸如菉豆以五丸為後飯飲以鮑魚汁  
烏鰡骨丸皆血肉之品蓋血枯氣去苟非有情之物焉能  
留戀氣血而使之生長烏鰡魚骨鹹溫下行性濇去脫久  
服令人有子可知其固氣益精之功矣茹蕙鹹酸入肝活

血通經疏氣行傷丸以雀卵壯陽益血藥後即飯復飲鮑魚汁壓其藥性下行利腸續絕每用五丸者經口脫血入房肝傷由於中氣竭故欲其留頓中宮仍從脾胃轉輸於下也

按素問用簡茹農經言有毒蝕惡肉排膿血茹蘆無毒亦能通經脉治六極傷產後血暈夫淤排膿睽度二者之用莫辨孰是但簡茹今人有名未用茹蘆即茜草藥肆易得且與病情亦相合姑從茹蘆註釋惟後賢詳審

聚精丸 附內科方

黃魚鱠 一劬切碎蛤粉炒